

## Ní maith le héinne mé

*Sin Seán Siorc!*

*Tá sé gránna!*

*Féach a bhéal!*

*Tá sé gránna!*

*Féach a bhéal!*

Tá fiacla móra agam

Tá fiacla móra agam

Ní maith le héinne mé (x 2)

*Curfá:*

Sin Seán siorc a deir na héisc

Nuair a fheiceann siad mé féin

Tá sé gránna, tá sé dána

Féach -

Féach a bhéal.

*Tá sé gránna!*

*Féach a bhéal!*

Bíonn ocras orm i gcónaí

Bíonn ocras orm i gcónaí

Ní maith le héinne mé (x 2)

*Curfá*

Ná bac leo a deir mo dhaid

Tá na fiacla sin an-deas

Is gearr go mbeidh mo Sheáinín mór

Is ní bheidh éinne ag magadh faoi mo stór

Tá fiacla móra agam

Tá fiacla móra agam

Ach tá mé sásta mar sin féin

Tá fiacla móra agam,  
Tá fiacla móra agam,  
Na fiacla is fearr san fharraige go léir  
Na fiacla is fearr san fharraige go léir

### Réamhéisteacht:

- **Eiseamláirí teanga a bhféadfaí a mhúineadh, sula gcloiseann na páistí an t-amhrán:**

Tá fiacla móra agam:

Samplaí:

Tá \_\_\_\_\_ agam:

Tá lámha beaga agam  
Tá cosa fada agam  
Tá súile móra agam  
Tá méaracha gearra agam  
Tá cluasa beaga agam

Bíonn ocras orm i gcónaí

Samplaí:

Bíonn \_\_\_\_\_ orm i gcónaí

Bíonn tart orm i gcónaí  
Bíonn tuirse orm i gcónaí  
Bíonn fearg orm i gcónaí  
Bíonn áthas orm i gcónaí  
Bíonn faitíos/eagla orm i gcónaí

- **Ábhar an amhráin a phlé**

Céard is siorc ann?

Céard a bhíonn ar siúl aige?

An iasc deas é?

Cén fáth?

### **Iaréisteacht:**

- Ábhar an amhráin a phlé:

Cén fáth go raibh Seán siorc brónach?

Cén fáth go raibh na héisc eile gránna leis?

An bhfuil Seán siorc brónach anois?

Cén fáth?

- Tarraing pictiúr :

Seán siorc agus na fiacla móra atá aige

### **Comhtháthú:**

Drámaíocht/corpoideachas/mím:

Cuir ar siúl an t-amhrán agus lig do na páistí gluaiseacht a dhéanamh, ag imirt i rólanna. Seán siorc, na héisc eile, Daidí Sheáin.

Eolaíocht:

Déan taighde ar an idirlíon faoin siorc agus an saol atá aige.